

漢魏六朝百三家集

齊六人

寬陵王集

第三十六冊

壽考堂藏板

蕭竟陵集題詞

蕭雲英著內外文筆數十卷史謂其
無文采多勸戒及讀任昉行狀則云
天才博瞻學綜該明沛獻東平淮南
陳思方斯茂如予折衷群論未得其
平比覽遺文斤臺使憂旱沴獄囹圄

鑄動見規啟仁哉言乎何其痼瘵乃
心也雲英敬信釋氏撰淨住子淨行
法門三十一條苦言勤諷愍泣如雨
射雉二啟奏告君父不離福業觀其
惻隱懇誠身行津渡斷欲以王公努
力建道場之幡擊甘露之鼓爲黔首

先倡而浮魚兆殃外寢大震天年不
永其誰爲乎齊武二十三男中多賢
令文惠竟陵居長表帥皆病短折晉
安諸王安能復存父夢曇華子罹刀
砧未知西昌毒因在報應何等也王
融見殺魏準破膽實竟陵速殞之繇

而涅槃寂滅以死爲樂雲龍憂懼得
無猶有未化者乎

婁東張溥題

南齊蕭竟陵集目錄

卷一

啓

密啓武帝

車旗啓

諫射雉啓

又

諫歛役塘錢啓

上武帝請贈豫章王嶷啓

表

上讜言表

墾田表

書

與安陸侯綏書

答王僧虔書

答張融

答顧憲之

與法獻書

與孔中丞釋疑惑書

又對圖

答孔中丞書

與南郡太守劉景蕤書

卷二

序

淨住子序

淨住子淨行法門

三十一條

七

賓僚七要

詩

九日侍宴

侍皇太子釋奠宴

遊後園

行宅

登山望雷居士精舍同沈右衛過劉先生

墓下作

附錄

本傳

南齊竟陵王集卷之一

齊蕭子良雲英著

明張溥西銘齊閱

啟

密啟武帝

臣思水潦成患。良田沃壤。變爲汙澤。農政告祥。
因高肆務。播植旣周。繼以旱虐。黔庶呼嗟相視。
禡氣。夫國資於民。民資於食。匪食匪民。何以能
政。臣每一念此。寢不便席。本始中郡國大旱。宣

帝下詔除民租。今聞所在逋餘尚多。守宰嚴期。兼夜課切。新稅力尚無從。故調於何取。給政當相驅爲盜耳。愚謂逋租宜皆原除。少降停恩。微紓民命。自宋道無章。王風陵替。竊官假號。駢門連室。今左民所檢。動以萬數。漸漬之來。非復始適。一朝洗正。理致沸騰。小人之心。罔思前恩。董之以威。反怨後罰。獸窮則觸。事在匪輕。齊有天下日淺。恩洽未布。一方或饑。當加優養。愚謂自可依源削除。未宜便充猥役。且部曹檢校誠存。

精。密。令。史。奸。黠。鮮。不。容。情。情。既。有。私。理。或。枉。謬。
耳。目。有。限。羣。狡。無。極。變。易。是。非。居。然。可。見。詳。而
後。取。於。事。未。遲。明。詔。深。矜。獄。固。恩。文。累。墜。今。科
綱。嚴。重。稱。爲。峻。察。負。罪。離。讐。充。積。牢。戶。暑。時。鬱
蒸。加。以。金。鐵。聚。憂。之。氣。足。感。天。和。民。之。多。怨。非
國。福。矣。頃。土。木。之。務。甚。爲。殷。廣。雖。役。未。及。民。勤
費。已。積。災。旱。致。災。或。繇。於。此。皇。明。載。遠。書。軌。未
之。緣。淮。帶。江。數。州。地。耳。以。魏。方。漢。猶。一。郡。之。譬。
以。今。比。古。復。爲。遠。矣。何。得。不。愛。其。民。緩。其。政。救。

其危存其命哉。湘區與密蠻寇熾彊。如聞南師
未能挫戮。百姓齊民。積年塗炭。疽食侵淫。邊虞
方重。交州負絕一垂。寔惟荒服。恃遠後賓。固亦
恒事。自青德啓運。款關受職。置之度外。不足絀
言。今縣軍遠伐。經途萬里。衆寡事殊。客主勢異。
以逸待勞。全勝難必。又緣道調兵。以足軍力。民
丁烏合。事乖習銳。廣州積歲無年。越州兵糧素
乏。加以發借。必致恇擾。愚謂叔獻所請。不宜聽
從。取亂侮亡。更俟後會。雖緩歲月。必有可禽之

理。差息發動費役之勞。劉楷見甲。以助湘中威
力。既舉。蟻寇自服。

又啓

臣一月入朝。六登文陛。廣殿稠人。裁奉顏色。縱
有所懷。豈敢自達。比天青亟見。地孽亟臻。民下
妖訛。好生噂嗜。穀價雖和。比室饑嗷。縑纈雖賤。
駢門。輿質。臣一念此。每入心骨。三吳與區。地惟
河輔。百度所資。罕不自出。宜在蠲優。使其全富。
而守宰相繼。務在哀剋。圖桑品屋。以准資課。致

令斬樹發瓦以充重賦。破民財產。要利一時。東
郡使民年無常限。在所相承。准令上直。每至州
臺使命。切求懸急。應充猥役。必繇窮困。乃有畏
失嚴期。自殘軀命。亦有斬絕手足。以避徭役。生
育弗起。殆爲恒事。守長不務先富民。而唯言益
國。豈有民貧於下。而國富於上。邪。又泉鑄歲遠。
類多翦鑿。江東大錢。十不一在。公家所受。必須
輪郭完全。遂買本一千。加子七百。猶求請無地。
樗華相驅。尋完者爲用。旣不兼兩。回復遷貿。會